



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Beati P. Philippi Nerii Florentini. Congregationis
Oratorii Fvndatoris**

Gallonio, Antonio

Mogvntiæ, 1602

Moribundum morte eximit.

urn:nbn:de:hbz:466:1-43172

nerent, prostrati que tandiu iace-
rent, dum ille progrederetur: at qui
quorsum hæc à Philippo fierent, ne-
mo fuit, qui perciperet; verum e-
uentus deinde sequutus rem pate-
fecit; Constantius etenim paucis
post elapsis diebus, et si optimè tum
valebat, morbo graui, & mortifero
derepentè affectus, decessit.

Moribundum morte eximit.

*Totam rē
is ipse Lau-
rentius a-
liisque ocul-
atī testes
publico te-
stimonio
confirma-
runt.*

Eodem tempore Laurentius Christianus (clericus is erat Ba-
silicæ Vaticanæ) cum ætatis annum
vigesimum, aut eo amplius ageret,
incidit in morbum, eoque inuale-
scente desperantibus medicis, mor-
tem in horam, solemnibus confes-
sionis, Eucharistiæ, oleique sancti
præsidiis communitus expectabat:
cumque sensibus omnibus destitu-
tus detineretur lectulo, à Philippo
sub primam horam noctis inuisitur,
qui mox de statu ægri astantes rogi-

tat,

tat , tum precibus ad Deum fusis,
vbi ab oratione surrexit, Laurentius
(dixit) ex isto morbo haudquaquam
morietur , propiusque ad eum ac-
cedens , imposuisse super illum
manibus , eius nomen magna pro-
nunciat voce , nechæc sanè frustra:
moribundus . n. illius clamore exci-
tus oculos confestim aperit , inde
redeunte animo cibum sumit , me-
lius habet , paucisque post horis non
omnes modò sensus pariter cum
voce recepit ; sed excussa etiam fe-
bri , planè conualuit . Interim medi-
cus , is erat Petrus Crispus , manè à
domesticis ad eum reuocatus , vena-
rum pulsum explorat , cumque ex
pulsu arteriarum saluum esse com-
perisset , admirans ; maior te Lau-
renti inquit , dextera seruauit , non
mea ; neque enim humana es
arte , sed diuina ope le-
uatus .

Nouis